



孤山先生遺稿

詩

五

屬附學大田稻早
館書圖

寄第一

第 第

出帶許不

16
1494
5



和16
1494
卷



孤山先生遺稿卷之六

肥後

數愍子厚著

男
數將泰記輯

五言絕句

題畫竹

畫松無若雲。畫竹無若風。尺幅凝清聽。如在瀟湘中。

題芙蓉峯圖應人需

芙蓉雪作峯。的歷無昏曉。卻疑姑射仙。遺世立雲表。

送人游天草

君汎扁舟去。無人伴棋局。雖戀秋江鱸。可忘幽澗竹。

題梅鶴圖

我亦愛梅鶴。好題梅鶴圖。自笑林翁後。孤山有小逋。

題牡丹圖

山齋牡丹發。紅豔映籬笆。黃雀飛不下。似嗔富貴花。

題畫

秋江秋已餘。楓落鱸魚老。舟行不厭遙。只為名山好。

宿大口驛

初更猶步月。投宿告調飢。野人太真率。咄嗟煮蹲鴟。

晚渡大渡

薄暮舟中目。迢迢不可極。秋濤白似雲。欲捲前山色。

過松岡氏

醉臥知何處。漆園傲吏家。誰憐蝴蝶夢。栩栩此尋花。

四皓出山圖

來時不見首。去時不見尾。四龍接一龍。滿朝人如蠅。

靈巖洞

深洞不易探。懸蘿紛若縷。片雲出洞中。滂沱天下雨。

羅漢巖

何來阿羅漢。兀坐度千秋。吾亦不說法。石亦不點頭。

瀑響振千山。殷殷如擊鼓。誰識九重淵。老龍起欲舞。

題山子畫梅

胸有一點塵。尚為腕下累。誰識畫梅人。其清亦如此。

白石村欲訪友人。不果賦贈

白石溪頭路。黃牛背上歌。欲尋高臥處。只見暮雲多。

渡海

以下五首係乙未東遊作

風帆鳴一夜。飛渡海烟間。起見東方白。已無前日山。

玉島

玉島多雪綿。店店開交市。祇疑楊白花。不待春風起。

舟泊赤石浦。是夕月色尤清明。

海上微風歇。孤帆入浦深。誰知明月色。曾照古人心。

赤馬關

我跨青牛去。將踰赤馬關。問君何爾爾。為愛萬重山。

舟中示伊大素

舟行不覺醉。一白又一白。望彼奇絕山。對此奇絕客。

山中舊廬四首

北山有舊廬。蘿徑無人掃。既是此中生。何不此中老。

其二

山中逢舊侶。迎我具雞黍。笑指溪上石。是汝墜綸處。

其三

一自青山別。悠悠歲月多。青山如昔日。我髮已皤皤。

其四

一亭流水繞。四壁白雲生。山中無美酒。何有醉翁名。

琵琶潭

風潭水石鳴。靜夜尤清絕。游子忘前期。掃石候山月。

熊城四時樂四首

何處春遊太。龍山府郭東。好花千萬樹。歌吹在雲中。

其二

欲避城中熱。輕橈汴白河。涼風堤樹下。早已□船多。

其三

都下爭栽菊。豪華勝牡丹。千金購一葢。秀發大如盤。

其四

連騎出城中。角弓鳴不止。不知風雪寒。西山射封豕。

清晨

曉日射明窗。山房睡始起。驟雨自何來。蟬聲在高樹。

謝人惠石竹花。石竹名尤雅。摘得傍文房。不減東籬把。

雪後過聽松館。雪後過聽松館。微風拂松樹。鶴毳落人衣。

題畫二首。長松百餘尺。只見碧雲生。下有抱琴客。如聽謾謾聲。

其二。孤山遺稿。卷之六。其二。長松百餘尺。只見碧雲生。下有抱琴客。如聽謾謾聲。

其二。孤山遺稿。卷之六。其二。長松百餘尺。只見碧雲生。下有抱琴客。如聽謾謾聲。

釣也不在魚。飲也不在酒。綠水與青山。唯我之所取。

孤雁過南天。瀟湘月似烟。鄉書何處寄。二十五絃前。

芙蓉峯圖二首。蒼蒼東海日。半夜射嶙峋。不辨芙蓉色。何知天下春。

其二。芙蓉峯圖二首。蒼蒼東海日。半夜射嶙峋。不辨芙蓉色。何知天下春。

其二。芙蓉峯圖二首。蒼蒼東海日。半夜射嶙峋。不辨芙蓉色。何知天下春。

一夜駕仙風。飄飄無所止。直躡芙蓉巔。濯足東海水。

題便面。幽人朝懶起。夢裏鳥聲啐。覺來問童子。啄去幾枝花。

幽人朝懶起。夢裏鳥聲啐。覺來問童子。啄去幾枝花。

朱買臣負薪圖

朝歌會誓山。夕歌會誓市。一笑仰蒼天。古人知我耳。

白石枕

白石以為枕。雲山夢裏長。覺來掃枕上。玲瓏林月光。

洗竹

洗竹望遠山。遠山露半規。不見山尚可。但恨月出遲。

渡橋

欲渡來時渡。春波漾板橋。昨夜松窗雨。前峯雪盡消。

臂鷹

十月鷹威厲。臨風屢竦身。前坡狡兔起。臂上脫蒙巾。

畫竹

舊竹寒淅淅。新竹淨娟娟。可信高人手。清風在筆先。

畫蘭

幽操君子傳。芳佩美人寒。畫裡清風起。霏霏滿我前。

畫梅

美人冰雪姿。不假脂與粉。寧無富家兒。反嫁孤山隱。

畫菊

請看桃與李。其下自成蹊。黃華挺晚節。可以比夷齊。

和苒采蓮曲限韻五首

采蓮秋浦上。秋浦日方中。欲將涼傘蔽。纖手不勝風。
 洲邊采蓮罷。歸棹急流中。莫上長堤步。羅裙不任風。
 放艇何太早。濛濛曉霧中。芙蓉無所見。亂棹逐香風。
 宮娃纔十四。采蓮小沼中。紅顏羞自照。水面起微風。
 其五 其四 其三 其二 其一

回舟何處去。溝水接城中。高唱采蓮曲。聲聲入晚風。

春盡

三春如過隙。杯酒為君携。可惜殘花色。明朝踏作泥。

贈琉球客

二子琉球至。已歷幾千里。相逢談海嶽。滿坐烟霞起。

畫龍

畫龍何妙手。盤礴發靈機。試展風雷夕。鱗鱗動欲飛。

齋居雜詠二十首

余齋居養病。凡百皆廢。風雅一事不能忘。

懷耳目所觸。輒為吟咏。唯適是取。敢論宮商。乃得小絕二十首。書以示二三同好。欲其和而廣之也。

遠山

靄靄遠山色。自當樓一面。好朋來有時。山色朝暮見。

近市

長房居市井。猶作玉壺遊。未如方寸裡。喧寂兩悠悠。

苔

空庭春雨足。只見長莓苔。老年愛行藥。苔上試徘徊。

園中一樹楓。自堪歲時涉。長夏愛綠陰。清秋愛紅葉。

隣竹已成林。蒼蒼不辨屋。清風終日來。似遊南澗澳。

晨起對寒梅。吟腸轉清絕。疑是湖山路。蹇驢行風雪。

借問林間雀。和鳴何所樂。他家有稻梁。君宅無羅繖。

梨花已可愛。梨實亦堪悅。為報採芝人。一來漱玉雪。

懶性不栽菊。籬下自叢生。客至無餘事。隨意採落英。

湛湛杯中酒。寥寥琴上絲。如何雲際月。此夕出山遲。

遠寺鐘

山僧方外契。相憶不相逢。雲林日將暮。鐘聲寄遠風。

蝴蝶

徑自孤松老。門唯五柳斜。笑謝雙蝴蝶。寒園無百花。

蟲

秋窗何寂寂。終夕蟋蟀聲。聽之比金石。那有百憂生。

老病杖筇竹。仍能蹙蹙行。莫化青龍去。道人丹未成。

椰子以為杯。山水可相隨。寄語杯飲客。淳風漸欲滴。

故人解左驂。且喜鞍上穩。自是襄陽路。醉歸不知遠。

越丘硯

越丘硯

馬知覽大夫所贈

一硯故人贈。兼金何足云。却思舊溪上。此石生白雲。

故人種芳草。且喜識土鬱。自是寒山句。相親不吹散。

終年不出門。春回還寂寞。忽看芳草生。緬懷遠行客。

古鏡

古鏡無留影。千載常皓皓。人心不如鏡。何時不遽老。

劍伊正良所造

此劍出時工。于莫可同伍。神物生無時。何論今與古。

江樓

攔于臨綠水。可以漱餘醒。忽見春潮白。洲邊月色生。

送人還鄉

相送石塘上。徘徊到夕陽。滾滾長江色。何如別恨長。

席上為諸君吹笙

井大年宅集

我本上清客。誤蒙塵世羈。諸君多道骨。不惜弄參差。

題芙蓉圖

芙蓉之真人。餐我大古雪。由來齒牙間。不掛塵中說。

六言絕句

題僧雪舟畫真

雲游天童潑墨。日沒天子相迎。扶桑萬里生色。尺幅

千秋有聲。

題畫

雪裡清樽獨酌。梅邊奇石新題。纖纖微月初落。寂寂山禽欲栖。

雜言

醉翁不應無酒。琴客不應無絃。舉目青山流水。寂寂羲皇葛天。

米大夫席上

厭厭高堂夜飲。軒軒四座明霞。酒滿冰壺對月。詩成

彩筆生花。

題畫

風起松聲謾謾。雲來山色陰陰。偶爾故人相遇。前溪柯處彈琴。

蘇山四時詠四首

雪消二月三月。烟繞前峯後峯。顧我孱顏如笑。思君輕屐欲從。

其二

絕頂青天咫尺。層冰赤脚相宜。空翠霏微欲滴。夏雲

碑兀爭奇。右夏

其三

嬋妍秋色生媚。杏渺孤標絕羣。夜夜寶珠懸月。朝朝玉井起雲。右秋

其四 四韻詩四首

飛雪三花六出。滿峯玉樹瑤臺。溪上白羊羣起。洞中銀鹿下來。右冬

孤山先生遺稿卷之六 終

孤山先生遺稿卷之七

肥後

藪慙子厚著

男藪將泰記輯

七言絕句 萬畝林

訪桃花洞道士。雙溪道士洞為家。手種紅桃萬樹花。鶴夢覺來春晝永。簫聲吹落半峯霞。

君侯發軔

風送飛花旭日新。君侯千騎出城闈。還忻微雨夜來過。十二街中不起塵。

蘇山插秧歌

雲繚垂鬟雨濺裳。插歌聲起盃歌長。請看鬱鬱千峯色。不及蘇田萬頃秧。

其二

蘇國山川屬艸萊。神翁神姥上天來。長鑿短耜知何物。萬畝千壠一日開。

小集得六魚

千山斜日傍幽居。濁酒青樽世上疎。為是平生甘寂寞。人言不減子雲廬。

種竹

窗前自種碧琅玕。滿地玲瓏秀色寒。□是清風明月夜。徘徊好作此君看。

虞姬怨

一曲驪歌欲曉時。紅羅帷裡碎蛾眉。妾身不惜隨秋艸。徒使君王多所思。

步虛辭

聞干十二玉樓臺。月裡珊珊環珮開。何處仙人人不識。乘鸞直入五雲隈。

園菊為馬所嚙

兩歇黃花香欲浮。誰人繫馬小亭幽。朝來試對南山色。減却籬邊朶朶秋。

分邊庭四時怨賦得秋

白草黃榆滿大荒。胡笳曲曲使人傷。何當一假歸鴻翼。直逐秋風至故鄉。

春宮曲

御苑鶯啼春色闌。絃歌欲起夕陽殘。帳中別有如花女。咫尺天顏帶笑看。

壽永廣禮師八十

柱史仙齡鬢未皤。門前問禮幾人過。羨君春日開筵處。滿面和風李下多。

送友人游靈巖洞

迢迢一徑入嶙峋。羨汝仙遊擬採真。試見洞門深雪裡。菲菲靈草已含春。

畫白鷹

從它鳥雀自為群。電目熒熒雪羽分。儻用磻溪溪上
叟。為君揚擊掃妖氛。

贈栽菊翁

老翁深築遠風塵。黃菊青山相對新。我有無絃琴上
曲。為君一弄鬪嶙峋。

春雨懷溪上道侶

青溪道士少逢期。萬樹桃花夾兩涯。想得人間多少
雨。紫烟衣上總如絲。

夕陽樓送萱即歸浪華

夕陽樓上夕陽懸。惜別停杯望海天。恨殺孤飛天際
鴈。歸時却在落花前。

送池文學游筑前

春風二月動離珂。相送休停金叵羅。此別雖非經月
久。歸來恐有落花多。

送大城文學游京師

輕裘白馬映春暉。花裏送君淚滿衣。梁苑祗今重詞
客。帝城雖樂不如歸。

送宮玄雅游京師

鶯聲宛轉柳條長。匹馬憐君向洛陽。客裡春光行欲暮。不知何處醉流觴。

僧吞海見過明日賦寄代簡
高僧寶錫拂塵寰。來去柴桑五柳間。為道春風無幾日。相思時復下廬山。

題僧雪舟芙蓉圖
真僧意氣睨乾坤。盤礴含毫對至尊。畫出芙蓉千仞色。延英殿上雪華翻。

贈釀桂華酒者

廣寒宮裏桂花香。飛入君家百斛航。一醉誰知塵想斷。鈞天華胥夢中長。

飲某氏亭

江南雪後問君來。綠酒青樽白玉杯。忽見梅花春色早。一枝偏傍席邊開。

予嘗見僧常觀於蘇山。手談一夕而別。今年游菊池東福寺。見其主僧即觀也。因悵然賦

贈

與師相見忽相疑。款語津津似舊知。記出蘇山千仞

上十餘年外共圍棋。

題墨牡丹圖

米家淡墨瀉山巒。那意餘波及牡丹。寫出枝枝濃豔足。不須脂彩污毫端。

題春菜圖

夜來微雨過山村。餘潤豈無及菜根。濁酒漉時隣叟至。親荷長鑿向南園。

送池訓導應招游高瀨

門生籃輦度芳菲。遮莫前山近落暉。寄語習家諸子

弟。山翁有酒不知歸。

僧玄澥見求拙書書贈

救世高僧下薜蘿。求余揮洒意如何。能將三點成伊字。應笑人間八法多。

送吉岡子成歸省聞尊翁近移居

尊翁高致厭塵氛。聞說移居近白雲。不但柴門如舊住。山中猿鶴也迎君。

野侍監從 駕在江都。今茲華甲矣。兩令息

開宴其家。招諸賢需其壽章。賦贈得五微。

一曲南山入玉徽。菊樽同醉小春暉。最期棠棣花開日。迎汝添籌海上歸。

暮春送人

狂風狂雨花滿蹊。一詠一觴此解携。莫向蘇山山下去。綠陰深處子規啼。

贈友人赴釣神水

桂橈輕盪木蘭舟。水近南湖似不流。休把釣竿拂堤樹。紛紛落葉不堪秋。

賀怡雲子遠歸

野服綸巾鶴作陪。喜君千里遠游回。囊中攜得烟霞籙。六六名山次第開。

七月涼風拂袂初。故人歸興定何如。孤帆無恙長江上。翠竹丹楓滿舊廬。

送別暫時醉秋浦。歸人何用促舟艣。橫笛一聲殘月高。兩崖楓葉紛如雨。

賈客怨

長堤十里下暗江。不覺村西夕日昏。夾岸桃花紅短
短。近洲鷗鳥白雙雙。

建武宮詞
九重深處擁絃歌。不信人間有咨嗟。自是君王高枕
臥。夢魂無復到巖阿。

羽獵曲
純白狐裘雪色分。千金駿馬五花文。射聲迥響秋空
上。一點飛鴻墜暮雲。

米大夫不解酒中趣戲呈

空腸瀉下酒千鍾。詩若盤珠談若鋒。不是風雲扶變
幻。青天何處起蛟龍。

聞諸君汎舟神水索其佳作
一片輕舟破水烟。無邊秋興落襟前。不知如練澄江
色。曾入宣城句裏傳。

送僧歸五家山
憐師早已厭塵寰。金錫遙飛杳渺間。休道禪心無住
著。白雲明月五家山。

張六橋步月

孤山遺稿 卷之七
橋邊雨過暑塵收。朗月清風似素秋。烟水茫茫天一色。絳河遙入白河流。

采藥蘇山路自長。春風吹動紫霞裳。溪邊白石君休叱。恐是仙家玉面羊。

其二
離亭舉首望層霄。君道名山採藥苗。一自烟霞埋去跡。不知何處赤城標。

雙松篇賀井家雙壽七十

墨海高砂相映開。瓊樓玉閣是蓬萊。請看千載雙松樹。仙姥仙翁手自栽。

平山山夜過甲斐氏
鐘漏沉沉夜未央。黃花美酒滿樽香。坐來不覺微霜下。卜得東隣有杜康。

自從天將下居庸。萬里邊庭絕警烽。一夕秋風催打獵。人如猛虎馬如龍。

贈公款自洛歸

孤山遺稿 卷之七
匹馬遙辭洛水濱。歸來九日菊花新。知君忽值秋風起。不忍登高少一人。

自外入平山老農需詩賦贈
穰穰禾黍滿秋田。卯酒纔醒又午眠。有子有孫堪養老。知爾不羨洞中山。

宿平山
平山山畔夜蕭條。澗水泠泠入夢遙。月色忽浮窻紙上。前峯松影小如苗。

平山溫泉
平山溫泉

神仙何世此燒丹。溫液猶疑伏火殘。幽谷浴時雲作幕。春波滿處石爲盤。

送人歸南紀
萬里雲山夜月輝。秋風吹動故人衣。誰知黃鶴摩天外。却向和歌浦上飛。

送辛翼之遊蘇山
阿蘇山畔白雲屏。孤月沉沉道士扃。想汝清溪高枕夜。一聲玄鶴夢中聽。

送安淳平歸阿州

阿州東畔海潮奔。壯觀由來夢寐存。今日送君千里外。片心先渡大鳴門。

酒家送別

江南春色爲誰愁。送別同登賣酒樓。岸岸垂楊千萬樹。何緣不繫木蘭舟。

種樹驛別諸君

以下二十九首係
未東遊作

烟花遠郭鳥聲頻。腸斷驛前歧路春。歸日重尋分手處。陰陰夏木恐迷人。

密鳥村過栗原氏宅。別池大城諸君。

十里亭過十里行。山園深處聽流鶯。更將同舍故人酒。唱盡陽關三疊聲。

南關宿西島氏。送者尚十餘人。是地藩所堞。

是日午後雨雪。

度雨回風百里強。衝泥同叩故人莊。一樽今夜何辭醉。纔出南關是異鄉。

夜集岡子玉亭別諸君

銜杯惜別拂金徽。桃李芳園夜月輝。明日春風千萬里。雙珠海上片帆飛。

小倉客舍和江黎民韻

垂揚映水碧於藍。擊筑悲歌醉市南。一語猶能肝膽見。不妨容易向君談。

過長府訪田厚叔。亭濱大海。海上有雙珠島。

欄前竒觀也。

萬里長風吹紫瀾。初來遠客醉憑欄。主人清玩無他物。笑把雙珠掌上肴。

灞城山祭酒見邀。席上應奈古翁需。

把酒初筵對夕曛。持來何物贈夫君。千山萬壑行行

盡只有霏霏滿袖雲。

渡藍川經花岡

暮春春服度春風。路出都門南又東。藍水渾連芳艸色。花岡隔在彩雲中。

田翁嘯風樓

數里城南路不難。高樓一半夕陽殘。汀花崖柳渾如畫。醉倚春風十二欄。

宿興福寺

候客山僧啓半扉。上方仙梵晚霏微。滿庭月色暗如

畫。只見香烟縷縷飛。

舟抵室港。邑人高橋氏爲其母九十需壽詩。
書贈。

東方初月片雲消。一葦茫茫碧海遙。此夕不知何處
泊。麻姑門外尚通潮。

夜泊浪華江

孤舟一繫大江隈。花映春江月映杯。岸上人烟千萬
戶。不知何處望鄉臺。

抵藩邸。主萱君譽舍。此夜河伯潛葛子琴至。

呈伯潛。

此夕何夕逢舊知。霏霏細雨撲窗滋。共談十六年前
事。恰似巴山夜雨時。

浪華與中井竹山

大坂城中客若雲。竹山夫子最超羣。欲知夫子超羣
處。滿腹精神滿腹文。

和子琴用余韻見寄

新知却勝舊相知。下榻庭陰苔色滋。流水高山琴響
處。鳳吟鸞嘯益傾時。

和子琴韻子琴家在玉橋。

揚柳參差好駐橈。相逢何問一宵遙。春風明日猶乘興。家在江南第幾橋。

汎舟桂川

棹即移棹入烟蘿。為唱清溪款乃歌。十里春風香不斷。前山何處落花多。

夜過蟬翁祠

湖南何處問風騷。寂寂空山片月高。一自蟬翁蟬蛻去。無人復弄紫檀槽。

平壽王見招呈諸君。

長松樹下一張琴。苔上無塵夕照深。何須白眼仍看俗。科頭箕踞盡知音。

郵舍小酌

玉江橋下水連雲。把酒聽詩坐夜分。休問西窗銀燭短。滿江風雨也留君。

船過讚海

洋西短景似湖中。柔艣無聲五兩風。兩岸連山碧□斷。不知何處海門通。

邨大初見訪。和見寄韻。

爲客休歌行路難。相逢一拂舊塵冠。飛樓迥出滄溟上。萬里狂瀾醉裡看。

游淨蓮院。次主僧韻。

欲問清池喻法蓮。象頭山畔叩幽禪。恰同栗里先生宅。醒石題詩醉石眠。

抵龜府。主原子壽家。

龜城東畔海頭臺。諸彦高軒出郭來。誰知他席他鄉客。醉殺蘭陵美酒杯。

和原子直

君家聲譽阿戎傳。字字龍蛇語語仙。五月南天多苦熱。清風偏入竹林邊。

河正香將游學

京師。需余詩。賦以送之。

妙齡才子屬青春。北學中州道路新。樂地由來名教在。素衣休染洛城塵。

浴道壺溫泉。遂訪松山毛子胄。

衣襟猶帶舞雩風。十里松聲落照中。欲問詩家高詠興。城南直過大毛公。

和神公倫韻

鷓鴣洲前月滿堂。相逢不惜促飛觴。江頭明日分襟路。腸斷蒹葭一水長。

寄龜城邨大初

我愛名山到海涯。象頭山畔隱淪家。何當一攬浮丘袖。同服朝朝絕頂霞。

米大夫携酒戲贈

君携家釀訪交遊。欲為吾曹解百憂。料得孟嘗門下客。青州從事最風流。

榮府石文學初見枉顧賦贈

十歲相聞一日看。杯尊聊此結交驩。誰忍忽忽分手去。夏宵雖短月猶殘。

石文學辱臨古文學辱書賦贈古文學以代

答簡

忽迎佳客掃蒿萊。喜見彩雲朵朵開。三珠樹上雙仙鶴。何不遙飛天際來。

重陽前送神山元策歸大洲

客心何事戀庭闈。一夜風霜欲薄衣。徧挿茱萸兄與

弟登高應望一人歸。

訪子友蘇山山居

蘇山山畔路盤桓。石洞巖扉物色難。莫是故人高蹈處。鸞聲遙落白雲端。

池兄釀酒見招不果賦謝之二首

汝開良宴賞芳辰。釀得黃花滿甕新。堪笑三閭蕭散地。餐英自有獨醒人。

其二

陶家種秫滿秋田。報道新醪湧若泉。稚子床頭望我

笑。纔披竹簡口流涎。

送公款之洛

芳津二月送仙舟。紫海遙通澗水流。不有春雲裁五色。天邊何辨帝王州。

送永充國弟寄龜道哉

都門曉色動離歌。別路悠悠別恨多。試問垂天千里翼。南溟風浪近如何。

題友人梅花書屋

萬斛山中舊隱淪。五車圖籍未全貧。寒窗月出無羣

動。只有梅花映玉人。

川君從黃道輔所來訪。賦贈。

門前忽報遠方朋。片語泠泠拂鬱蒸。非見汝南黃叔度。何緣心若玉壺冰。

春日迎諸子得十灰

百轉流鶯勸酒來。忽迎禽向共銜杯。微風林裡梅如雪。不使家僮掃石苔。

恭勝寺陪宴觀楓。應命。

蕭寺樓臺倚翠微。白雲生處駐驂騑。君侯不愛綺

羅色。獨賞楓林到落暉。尋風八剎若浮雲。日暮秋風

半田君庭上生芝。小絕應需。

數莖朱艸產庭陰。軒軒霞色映戶深。知汝此間堪自適。高人何必在雲岑。

送衣川生歸鄉

子去重游不可期。老夫非復少年時。孤山贈別春芳盡。唯有青青綠樹枝。

送安文學之江都

春風吹雨落花滋。送別千山啼子規。酌酒與君君且

飲解攜須在未醒時。

赤彥禮大孺人八十壽詞

南山佳氣北堂萱。春日開筵客滿門。不有負松凌萬古。何緣仙鶴引諸孫。

龔中苦熱戲呈池匡卿

體上衣冠若受枷。局中炎暑似投鍋。謝君合有驚人語。一發為吾驅睡魔。

柳翁快哉樓

最高樓上客襟開。不斷長風入快哉。極目蒼茫夕陽

遠。青山如黛海如杯。

題雪舟渡唐芙蓉畫

高僧遊戲在毫端。萬仞芙蓉掌上看。雪色不同三秀草。大明天子片心寒。

謝諸君見過

三徑秋陰向晚晴。一樽高興待君傾。休嫌寒屋無供給。剩得黃華有落英。

雨雪曲

城上陰雲黑且重。帳前飛雪亂蓬蓬。將軍輕騎侵晨

出直向深山覓虎蹤。

讀韓文公詩

唐代儒宗韓退之。德輝往往散新詩。陳言拂盡天真出。何啻文興八世衰。

湖中四時詠三首

缺春詠

雷雨忽暗風滿樓。峯峯空翠□□收。湖中累日堪沈醉。鱸膾尊羹不待秋。

右夏

其二

白紵新聲曲曲長。清秋風露滿船涼。夜深湖上水烟

斷。只見溶溶孤月光。

右秋

其三

千山晴雪映湖天。遠寺鐘聲古渡烟。獨鶴歸時寒月白。不知珠樹在何邊。

右冬

送甲斐子登小金峯

小金峯上曙雲寒。前路蒼茫落日殘。送別欲攀楊柳樹。不勝春露正溥溥。

苗師出其詩卷。需余批評。余病不能。戲題卷

末。

苗師詩律正聲多。問我宮商定若何。唯是病夫慵著語。非關一默學維摩。

江文鱗嘗來吾藩。交臂數次。今茲余遊島原。

偶然相見。有詩見寄。喜而和答。

一別天涯歲月頻。異鄉相見轉相親。即今樽酒綠君盡。休道陽關無故人。

留別

銷魂橋上落花時。曉月難停金屈卮。匹馬明朝豐筑道。雲山何處慰相思。

賀潛溪先生新築

主愛清閑客問奇。移來小築興何其。神林自作彈琴地。壺水翻成洗筆池。

續氏宴得八微

高亭夜靜雨霏霏。把酒風流人未歸。為是霜楓能著色。猶疑咫尺駐斜暉。

同諸君過文卿宅

華堂夜飲挑銀缸。綠酒清尊白玉缸。喜得墻東羣動寂。蕭蕭斜雨撲西窗。

飲玄石宅

樓居不厭市為鄰。席上烟霞入酒新。非是懸壺逃世界。那能咫尺隔風塵。

過某氏宅二首

園亭過雨暑初收。疎竹□桐翠欲浮。滿酌不愁添內熱。月華如水入簾流。

其二

積雨初晴帶落暉。盞簪杯酒弄春輝。幽庭添得蒼苔色。只見青青欲上衣。

謝西子彬惠瑠璃瓜

數畝田園種小瓜。瑠璃顆顆碧於霞。仙禽不敢塵中去。舍向孤山處士家。

士瓏游江都二年。余過其家。其翁使余作詩促歸。蓋寓祈招之意云。

吳下佳兒非犬豚。周旋千里向中原。中原風物雖詢美。為報尊親久倚門。

題山俊度畫幅十七首。尾附小絕。戲寄俊度。數子耽詩畫不能。山君畫絕優詩絕。如拚兩短取兩

孤山遺稿 卷之七
長。吾邦亦有雙摩詰。

送仲瑟之崎陽

先聖流風久不振。神州滿地暗胡塵。君到崎陽須物色。尚有乘桴蹈海人。

送道哉龜井君還筑前

忽憶家林賦。歸來何物獻雙闈。壽安山上烟霞色。染作趨庭五色衣。

送鳳介永富君還長門

九國名山難可攀。羨君千里壯游還。還家試發奚囊

裡。霞氣軒軒照赤關。

支明上人辱臨。值余不在。賦此謝。

一日馳驅暮自歸。忽看蓬華有光輝。不知空外黃金錫。更向何人園裡飛。

余曾遊菊池。樂其山水。近絆一官。不能屢游。

偶良士瓏將歸省其鄉。賦此送別。兼述衷懷。曾携筇竹度層巒。想見烟霞在睫端。君自詩中應有畫。寄來遙與故人看。

過井大年

孤山遺稿 卷之七
相携何處滌塵襟。碧簟冰壺夜欲深。一雨空庭涼色下。纖纖初月透風林。

子規啼

孤夢何由到故鄉。愁聞蜀鳥一聲長。巴東三峽君休泊。不獨啼猿斷客腸。

謝高山君見訪

上州竒客愛登攀。客裡星霜鬢欲斑。何事洞天游未倦。還尋病鶴過孤山。

送山叔瑟

璠也年纔二十強。遠遊萬里氣何揚。腰間絆□無他物。三尺吳鉤燦若霜。

天草雪燈師惠書。見許異日辱臨。賦答謝。

名山秀出海中央。欲往從之烟水長。僮問人間摩詰室。相迎一笑掃獅床。

森君叔熙自臥龍城來。見訪敝廬。

憐君千里遠相尋。忽使幽情入素琴。爲問從來高枕處。臥龍城畔彩雲深。

崎陽滕敬夫仕于柁城。將歸省其鄉。留詩于

孤山遺稿 卷之十一
關吏候余過示之。因和其韻。以下六首係游薩作
彩筆題詩字字新。孤高堪鬪碧嶙峋。誰知千里陽關外。繾綣交情有故人。

島津大夫池亭見招。大夫有馬鞍之贈。

山翁來醉習家池。醉後何妨倒接羅。謝爾彫鞍堪穩坐。狂歌拍手夕陽時。

鶴江別柁城公子

公子江頭駐馬蹄。揚鞭遙指海雲西。與君再會知何日。月白千山獨鶴啼。

謝固部敬輔惠酒

滿城風雨海天來。客舍蕭然□菊催。不有故人能贈酒。秋懷那得旅中開。

游福昌寺

何知覺路接城隅。纔出都門嶽色孤。多少人烟遮不得。空中現出玉浮屠。

舟下玖磨峽。旣夜過松江西。垣氏分韻得八庚。

舟到松江峽始平。城南高士忽相迎。胷中萬累總如

洗醉弄江樓風月清。南高士恐時世中萬景無味

醉空不覺烟波多。西風吹水。人醉野

醉空不覺烟波多。西風吹水。人醉野

醉空不覺烟波多。西風吹水。人醉野

醉空不覺烟波多。西風吹水。人醉野

孤山先生遺稿卷之七終

